







[GENERAL](#)

Persatuan Wanita UMP sumbang kelengkapan pakaian sekolah

23 March 2023

Disediakan oleh: Nor Salwana Mohd Idris, Bahagian Komunikasi Korporat, Jabatan Canseleri.

PEKAN, 22 Mac 2023 - Prihatin dengan persiapan persekolahan anak-anak masyarakat setempat, Persatuan Wanita Universiti Malaysia Pahang (Matahari) menganjurkan Program 'Back To School' (BTS) 2023 bertempat di Dewan Auditorium, Perpustakaan UMP Pekan.

Majlis sumbangan telah disampaikan oleh Presiden Matahari, Datin Dr. Hajah Mazita Mokhtar kepada lebih 20 orang anak-anak yang memerlukan.

Menurut Datin Dr. Hajah Mazita Mokhtar, program ini merupakan inisiatif sosial yang bertujuan untuk membantu keluarga-keluarga yang kurang berkemampuan terutama mereka yang terdiri dari golongan B40.

Pada program kali ini, pihaknya memberikan baucar Mydin yang bernilai RM150 setiap penerima.

Beliau mengharapkan dengan bantuan ini dapat meringankan beban keluarga dalam menyediakan kelengkapan sekolah yang akan bermula tidak lama lagi.



Ujarnya dengan bantuan ini akan menjadi titik permulaan kepada anak-anak yang menerima bantuan untuk belajar bersungguh-sungguh demi masa depan.

Salah seorang penerima dan ibu tunggal, Rosilah Abdullah turut mengucapkan terima kasih kepada Matahari UMP yang membatu meringankan bebannya untuk membeli kelengkapan pakaian sekolah.

Ujarnya, dengan pendapatan menyang ikan sememangnya kos untuk membeli kelengkapan pakaian sekolah menengah bagi dua anaknya agak tinggi.

“Dengan sumbangan ini, dapatlah saya membeli pakaian tersebut, dan duit gaji pula dapat digunakan untuk membayar yuran persekolahan.

“Saya amat terharu dengan sumbangan ini, sejujurnya sejak penubuhan UMP di Pekan, banyak memberi manfaat kepada masyarakat setempat khususnya di Pekan, “katanya.

Hadir sama Timbalan Presiden Matahari, Hajah Paridah Mohd Ali dan barisan tertinggi Matahari.

Pada majlis yang sama turut menyerahkan sumbangan banjir kepada lima ahli Matahari yang menjadi mangsa banjir baru-baru ini.

TAGS / KEYWORDS

[PERSATUAN WANITA UMP](#)